



Datë: 04.09.2025

Numër Protokolli: 6155/2025

A.nr. 1422/2025

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave, në përbërje nga: Eshref Shabani, kryetar, Ardita Haxhnikaj–Demi dhe Malsore Gashi Bajraktari-anëtarë, me Rushit Kajtazi- në cilësinë e procesmbajtësit, në procedurë sipas ankesës me numër A.nr.1422/2025, të datës 22.07.2025, të parashtruar nga ankuesja R.H, kundër organit të punësimit:Ministria e Punëve të Brendshme në çështjen juridike “kontestim konkursi”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës i ndryshuar dhe plotësuar me Ligjin Nr.08/L-180 për Këshillin e Pavarur Mbikëqyrës për Shërbimin Civil të Kosovës, si dhe në mbështetje të Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës me datë 04.09.2025, mori këtë:

V E N D I M

I.Refuzohet si e pabazuar ankesa me numër A.nr.1422/2025, e datës 22.07.2025, e parashtruar nga ankuesja R.H.

II. Mbetet në fuqi, Njoftimi me numër protokolli 1155 i datës 20.06.2025, lidhur me përzgjedhjen përfundimtare të kandidatëve të suksesshëm për pozitën “Zyrtar për Regjistrimin Civil”, QPD, në Lipjan, i nxjerr nga Njësia për Menaxhimin e Burimeve Njerëzore të Ministrisë së Punëve të Brendshme.

A r s y e t i m

Ankuesja R.H(me tej referuar vetëm ankuesi), më datë 22.08.2025 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, e regjistruar nën shenjë A.nr. 1422/2025,lidhur konkursin me numër referencës RN00017622, për Grup i Administrimit të Përgjithshëm Arsim i Lartë, për pozitë, “ Zyrtar për Regjistrim Civile”, Qendra për Pajisje me Dokumente Lipjan, Profesional 2, numri i kërkuar 1, pozitë , me pretendimet ankimore kundër vlerësimit të përgjithshëm të ankueses në këtë procedurë të rekrutimit.

Këshilli i Pavarur Mbikëqyrës për Shërbimin Civil të Kosovës (në tekstin e mëtejme referuar: Këshilli) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, e ka proceduar kërkesën për përgjigje në ankesën tek Ministria e Punëve të Brendshme, ndërsa kjo e fundit, më datë 19.08.2025, ka dorëzuar përgjigjen në ankesë së bashku me shkresat e bashkangjitura të lëndës.

Kolegji për Shqyrtimin dhe Vendosjen e Ankesave administroi këto prova; Ankesën A.Nr. 1422/2025 të datës 22.07.2025, drejtuar Këshillit të Pavarur Mbikëqyrës për Shërbimin Civil të Kosovës; Njoftimi i datës 20.06.2025, për përzgjedhjen përfundimtare të kandidatit të suksesshëm; Kopje e letërnjoftimit për ankuesen; Përgjigjen në ankesë me numër protokolli 1422/2025, e datës 19.08.2025; Konkursi me numër referencë RN00017622, i datës 14.04.2025; Vendimi me numër protokolli 919, i datës 11.06.2025, për Themelimin e Komisionit të Pranimit i nxjerr nga Sekretarja e Përgjithshme e Ministrisë së Punëve të Brendshme; Lista e Aplikantëve; Njoftimi me numër protokolli 1001, i datës 28.05.2025; Njoftimi i datës 18.06.2025; emalin e datës Renditja Përfundimtare e kandidateve të suksesshme; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten R.H, nga anëtari i komisionit R.G; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten Sh.A , nga anëtari i komisionit R.G; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten Sh.A, nga anëtari i komisionit R.G; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten R.H, nga anëtari i komisionit B.Sh; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten R.H, nga anëtari i komisionit R.B; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten Sh.A, nga anëtari i komisionit R.B; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten Sh.A nga anëtari i komisionit K.F; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten R.H, nga anëtari i komisionit K.F; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten Sh.A, nga anëtari i komisionit F.K; Formuari i Vlerësimit Individual të anëtarit të Komisionit për kandidatet në intervistë i datës 20.06.2025, për kandidaten R.H, nga anëtari i komisionit F.K; Vendimi me numër protokolli 651, i datës 25.04.2025; Kontrata e marrëdhënies së punës e datës 01.01.2011, për F.K; Akt Emërimi i datës 01.07.2024, për A.V; Ndryshimi i Akt Emërimit i datës 30.11.2015, për A,M; Akt Emërimi i datës 31.01.2013, për M.Sh; Vendimi me numër protokolli 53, i datës 22.07.2024; Ndryshimi dhe plotësimi i Akt Emërimi i datës 27.04.2018, për R.B; Akt Emërimi i datës 01.10.2020, për R.G; Ndryshimi i Akt Emërimit i datës 22.08.2016, për F.K; Akt Emërimi i datës 11.01.2013, për B.Sh; Aplikacioni i R.H, me shkresat e bashkangjitura; Diplomë me numër protokolli 6505, e datës 24.09.2019, për R.H e lëshuar nga Universiteti i Prishtinës ‘; Hasan Prishtina’; Certifikatë e datës 16.02.2017, për R.H; Certifikatë e datës 04.05.2018 për R.H; Certifikatë e datës 25.02.2021, për R.H; Kontrata e marrëdhënies së punës për R.H; referencë e datës 01.08.2023; Letër rekomandim i datës 26.05.2021; Aplikacioni i Sh.A, me shkresat e bashkangjitura; diplomë e datës 10.06.2005; Diplomë me numër protokolloi 620/09, e datës 09.09.2009, për Sh.M, e lëshuar nga Kolegji AAB; Pasqyra e trustit për periudhën nga data 01.08.2002, deri me datën 02.08.2024; Referencë e datës 13.02.2024; Vërtetim i datës 16.04.2018; Kopje e letërnjoftimit për Sh.A; Testi me shkrim për R.H.

Kolegji i Këshillit pas shqyrtimit dhe analizimit të shkresave të lëndës të parashtruara nga palët në procedurë, ka gjetur se ankesa e ankueses, është e pabazuar, sepse:

Nga administrimi i shkresave të lëndës, Kolegji i Këshillit konstatoi se Ministria e Punëve të Brendshme më datë 14.04.2025 ka shpallur konkursin me numër reference RN00017622, për Grup i Administrimit të Përgjithshëm Arsim i Lartë, pozita “Zyrtar për Regjistrim Civil” Agjencia e Regjistrimit Civil, Qendra për Pajisje me Dokumente- Lipjan klasa e pozitës Profesional 2”, numri i kërkuar 1, pozita ku afati për aplikim ka qenë nga data 15.04.2025 deri më 14.05.2025, ndërsa sipas shkresave të lëndës, në konkurs ka aplikuar dhe ankuesja.

Tutje, Njësia për Menaxhimin e Burimeve Njerëzore e Ministrisë së Punëve të Brendshme, me datë 20.06.2025, me numër protokolli 1155, ka publikuar njoftimin lidhur me kandidatet fituese, nga i cili njoftim rezulton se kandidatja Sh.A është vlerësuar me gjithsejtë 90.6, pikë, ndërsa ankuesja R.H, është vlerësuar me gjithsejtë 73, pikë.

Ankuesja R.H, e pakënaqur me procedurën e rekrutimit, me datë 22.07.2025, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimet ankimore së kundër shpalljes së shpalljes së konkursit për Zyrtar për Regjistrim Civil”, Qendra për Pajisje me Dokumente Lipjan të zhvilluar nga Ministria e Punëve të Brendshme.

Në kuptim të dispozitave të nenit 89 të Ligjit Nr.05/L-031 për Procedurën e Përgjithshme Administrative, si dhe në kontest të shqyrtimit të pretendimeve ankimore, Kolegji i Këshillit ka analizuar konkursin me numër të referencës RN00017622 për Grup i Administrimit të Përgjithshëm”, Arsimit të Lartë për pozitën ” Zyrtar për Regjistrim Civil” Agjencia e Regjistrimit Civil, Qendra për Pajisje me Dokumente- Lipjan klasa e pozitës Profesional dhe për pasojë konstatoi se si kriteret të përgjithshme formale për pozitën përkatëse të punës kanë qenë:

Arsimi i kërkuar: *Diplomë e arsimit të lartë e nivelit të parë (Bachelor) Arsimit të Lartë i Paspecifikuar*

Përvoja e punës e kërkuar: *Së paku 1 (1) vite përvojë pune profesionale në fushën për të cilën zhvillohet procedura për plotësimin e pozitës së lirë të punës.*

Kolegji për shqyrtimin dhe vendosjen e ankesave ka konstatuar se kriteret e konkursit për pozitën ”Zyrtar për Regjistrim Civil” Agjencia e Regjistrimit Civil, Qendra për Pajisje me Dokumente- Lipjan klasa e pozitës Profesional 2, kanë qenë në pajtim me kanë qenë në pajtim me Rregulloren (QRK) nr. 06/2024 për Klasifikimin e Vendeve të Punës në Shërbimin Civil, si dhe në pajtim me Katalogun e Vendeve të Punës në Shërbimin Civil të Kosovës. Po ashtu Kolegji i Këshillit ka analizuar dosjet e kandidateve fitues Sh.A dhe ka konstatuar se e njëjta i kanë plotësuar kriteret lidhur me arsimimin e kërkuar si dhe përvojën e punës ashtu siç ka qenë e përcaktuar me konkurs për pozitën e lartcekura

Po ashtu, Kolegji i Këshillit nga shqyrtimi i provave materiale të kësaj çështje ka gjetur se Komisioni i Pranimit, i themeluar sipas vendimit me numër protokolli 919/2025, të datës 11.06.2025, të nxjerr nga Sekretarja e Përgjithshme e Ministrisë së Punëve të Brendshme, përgjegjëse për vlerësimin profesional të kandidatëve në këtë procedurë të rekrutimit, ka qenë komisioni në këtë përbërje: z.R.G, Kryesues i Komisionit, i cili sipas Akt emërimit të datës 01.10.2020 , mbanë pozitën e punës ” Udhëheqës i Qendrës për Pajisje me Dokumente, z. R.B, i cili sipas ndryshimit dhe plotësimit të Akt emërimit të datës 27.04.2018 , mbanë pozitën e punës ” Udhëheqës i Divizionit për Administrimin të Aplikacioneve në bazë të të dhënave”, z. K.F, i cili sipas vendimit me numër protokolli 53/2024 të datës 22.07.2024 , mbanë pozitën e punës ” Zyrtar për Regjistrim Civil në Qendrën për Pajisje me Dokumente në Prishtinë”, z. F.K, i cili sipas ndryshimit të Akt emërimit të datës 22.08.2016, mbanë pozitën e punës” Udhëheqës i Qendrës për Regjistrim të Automjeteve në Obiliq, znj, B.Sh, e cila sipas Akt Emërimit të datës 11.01.2013 mbanë pozitën e punës” Zyrtare e Lartë e Personelit”. Rrjedhimisht Kolegji i Këshillit konstaton se komisioni i pranimit, ka qenë në përputhje me nenin 40, paragrafi 1,2, nen paragrafi 2.1,2.2,2.3 Ligjit Nr. 08/L-197 për Zyrtarët Publik, ku thuhet se: 1. Vlerësimi profesional i kandidateve/ëve për pranim në shërbim civil në pozitë të kategorisë profesionale bëhet nga komisioni i pranimit. 2. Komisioni i pranimit ka pesë (5) anëtare/ë, në këtë përbërje: 2.1. tre (3)

nëpunëse/ës civil të nivelit të mesëm apo të ulët drejtues të specializuar në fushën përkatëse sipas grupit për të cilin zhvillohet konkurrimi; 2.2. një (1) përfaqësuese/ës nga njësia përgjegjëse; dhe 2.3. një (1) nëpunëse/ës i kategorisë profesionale të fushës përkatëse për kategorinë profesionale, si dhe nenit 20, paragrafi 1, 2, nen paragrafi 2.1,1.2 dhe 2.3 të Rregullores (QRK) NR. 15/2023 Për Procedurën e Pranimit në Shërbimin Civil, ku përcaktohet se;1. Komisioni i pranimit për vlerësimin profesional të kandidateve për pranim në shërbim civil në pozitë të kategorisë profesionale themelohet me vendim të Zyrtarit Kryesor Administrativ të institucionit që zhvillon procedurën e rekrutimit për institucionet e administratës shtetërore. Komisioni i pranimit në institucionin tjetër themelohet me vendim të titullarit të institucionit. 2.Komisioni i pranimit ka pesë (5) anëtarë, në këtë përbërje:2.1. tre (3) nëpunës civil të nivelit të mesëm apo të ulët drejtues të specializuar në fushën përkatëse sipas pozitës për të cilin zhvillohet konkurrimi;2.2. një (1) përfaqësues nga NjMBNj; dhe 2.3. një (1) nëpunës i kategorisë profesionale i fushës përkatëse.

Thënë me tepër, Kolegji për vendosje të drejtë dhe meritore iu referua nenit 39 të Ligjit Nr. 08/L-197 për Zyrtarët Publik, më të cilin është përcaktuar se: Procedura e pranimit në Shërbimin Civil 1. Pranimi në shërbimin civil bëhet në të gjitha kategoritë e shërbimit civil, nëpërmjet një procedure rekrutuese të hapur dhe publike, përveç kur parashikohet ndryshe me këtë ligj.2.Rekrutimi për kategorinë profesionale organizohet për pozitë apo grup pozitash të administrimit të përgjithshëm dhe pozitë apo grup pozitash të administrimit të veçantë, sipas nevojës së institucionit dhe sipas planifikimit të NjMBNj-së. 3. Rekrutimi për pozitë apo grup pozitash të administrimit të përgjithshëm dhe të veçantë organizohet nga njësia përgjegjëse. 4. Përgjithshëm përcaktimeve të këtij ligji, për institucionet që kanë nëpunës/e civil me status të veçantë, procedurat e rekrutimit i zhvillon NjMBNj e atij institucioni. 5. Shpallja e procedurës së rekrutimit për pozitë apo grup pozitash të administrimit të përgjithshëm dhe të veçantë, bëhet nga njësia përgjegjëse në SIMBNj-së, si dhe me mjete të tjera të përshtatshme të informimit. 6. Pranimi i aplikacioneve bëhet brenda tridhjetë (30) ditëve nga data e shpalljes së procedurës së rekrutimit. 7. Konkurrimi zhvillohet në dy (2) faza: 7.1. verifikimi paraprak përmes të cilit verifikohet nëse kandidatët i plotësojnë kriteret e përgjithshme dhe ato të veçanta, sipas shpalljes së konkursit; dhe 7.2. vlerësimi profesional që përfshin vlerësimin e njohurive dhe cilësive profesionale të kandidatëve. 8. Verifikimi paraprak kryhet nga njësia përgjegjëse, ndërsa vlerësimi profesional i kandidatëve bëhet nga komisioni i pranimit i krijuar për secilin grup të administrimit të përgjithshëm apo administrimit të veçantë, për të cilin zhvillohet rekrutimi. Vlerësimi profesional i kandidatëve përfshin testim me shkrim në formë elektronike ku sigurohet anonimiteti i konkurrentëve, si dhe intervistë me gojë. 10. Totali i pikëve të vlerësimit të kandidatëve është njëqind (100) pikë. 11. Në përfundim të vlerësimit, kandidatja/i fitues konsiderohet kandidatja/i i vlerësuar me më së shumti pikë, por jo më pak se shtatëdhjetë për qind (70 %) të pikëve totale të vlerësimit. Të gjithë kandidatët/ët njoftohen individualisht me rezultatet e procesit të rekrutimit. Lista e kandidateve/ëve që kanë kaluar prapun prej shtatëdhjetë për qind (70%) të pikëve totale publikohet në SIMBNj-së, si dhe në ueb faqen e institucionit përkatës.

Referuar kuadrit ligjore si me lart Kolegji i Këshillit ka shqyrtuar dosjen e kandidates Sh.A, të shpallur fitues dhe si rrjedhojë ka gjetur se e njëjta posedon Diplomë universitare numër protokolli 620/09, të datës 09.09.2009 të leshur nga Kolegji AAB, sipas së cilës ka përfunduar studimet themelore Bachelor i Komunikacionit Masiv”, me përvojë punë sipas vërtetimit të lëshuar nga N.T.P Eurokos SH.P.K, me çka dëshmohet se nga data 01.08.2008, deri me datën 28.02.2014, ka mbajtur pozitën Asistente Administrative”, të cilën përvojë të punës e ka dëshmuar edhe me trust, për periudhën një vjetarë ashtu si është përcaktuar në konkurs.

Andaj, bazuar në rrethanat dhe konstatimet si me sipër, Kolegji i Këshillit konstaton se Njësia për Menaxhimin e Burimeve Njerëzore e Ministrisë së Punëve të Brendshme, me rastin e shpalljes së

Njoftimit me numër protokolli 1155 të datës 20.06.2025 për Renditjen përfundimtare të kandidatit për pozitën e punës “Zyrtar për Regjistrim Civil” Agjencia e Regjistrimit Civil, Qendra për Pajisje me Dokumente- Lipjan, sipas konkursit me numër reference RN00017622, ka zbatuar drejtë ligjin material, duke vepruar kështu në pajtim me dispozitat e Ligjit Nr.08/L-197 për Zyrtarët Publikë, si dhe Rregullores Nr.15/2023 për Pranimin dhe Karrierën në Shërbimin Civil të Republikës së Kosovës.

Kështu që për sa me sipër dhe duke u bazuar në dispozitat e nenit 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, i ndryshuar dhe plotësuar me Ligjin Nr.08/L-180 për Këshillin e Pavarur Mbikëqyrës për Shërbimin Civil të Kosovës si dhe nenin 132 paragrafi 2 të Ligjit Nr.05/L-031 për Procedurën e Përgjithshme Administrative, Kolegji i Këshillit vendosi si në diapozitiv të këtij Vendimi.

Këshillë juridike: Vendimi hyn në fuqi ditën e nënshkrimit nga Kryetari i Kolegjit. Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr. 1422/2025

Rushit Kajtazi

Procesmbajtës

Eshref Shabani

Kryetar i Kolegji

Vendimi i dërgohet:

- Ankueses, R.H;
- Divizionit për Burime Njerëzore në Ministrinë e Punëve të Brendshme;
- dhe Arkivit të KPMSHCK-së